

* ◆ Ana Coranti ◆ Psikologoa

«Prostituzioa gai ezezaguna da»

Prostituzioa gai ezezaguna da Ana Corantiren aburuz. Horren inguruan jasotzen dugun informazioa moral bikoitzak manipulaturik heltzen zaigula iritzi dio. Desinformazio hori gainditzeko, prostitutekin lan egiteak ematen dion lehen eskuko informazioaren berri eman zuen joan den asteazkenean UEUko sexologia ikastaroan. Gaur gauza bera egin du honako orrialde honetan.

Juan Kruz Lakasta / Iruñea

PROSTITUZIOA hitza entzuten dugunean hamaika topiko pila-tzen zaizkigu buruan: horretan halabeharrez lan egiten duten emakumeak, hiesa, sexuaren bitartez transmitzen diren gaixotasunak... Emaize elkartekoen aburuz, estereotipo horietatik haratago begiratu beharra dago, prostituzioaz iritzi finkoa eduki ahal izateko.

■ Prostituzioaz mintzatu zarete Emaize elkartekoak UEUn, zein izan da zuen helburua?

UEUra etortzeko gai prestatu genuenean ez genuen sekulako erretolika sartu nahi, ez genuen datu mordoa eman nahi, ez genuen gure lanari buruz soilik hitz egin nahi. Gure helburua jendea-ri prostituzioari buruz pentsa-raztea zen. Gure ustez prostitu-zioa gai ezezaguna da. Jasotzen dugun informazioa moral bikoit-zak manipulaturik heltzen zai-gu. Informazio horrek ideia ilun eta irreala sartzen du geure bu-ruan, eta ez dugu mundu hori benetan ezagutzen; ez mundua ez eta prostituten ahotsa ere.

■ Oker ez banago, zuen asmoa garbi hitzaldian prostituta baten hitz egitea zen.

Askotan kanpoko jendeak hitz egiten du gai honi buruz, eta is-torio hori benetako protagonistek kontatu beharko lukete. Saiatu behar dugu beraien ahotsa en-tzuten. Kontua da oso zaila dela aurpegia ematea. Pena izan da prostituta ez etortzea. Deituta zegoen baina ezin izan du etorri. Hala ere, bideo bat ekarri dugu bi prostitutaren testigantzarekin.

Nik uste dut jendea pentsatzera bultzatu dugula, eztabaidatzera bultzatu dugula, prostituzioari buruz zer uste dugun azaltzera bultzatu dugu. Batzuetan oso li-beralak gara, eta prostituten alde gaude, baina prostituzioa bera zer iruditzen zaigun ez daukagu batere argi. Gure helburua jendea gaurko hitzalditik iritzi propio eta garbi batekin ateratzea zen eta zera esatea: «Jaso dudun infor-mazioarekin iritzi garbi bat lortu dut, jada badakit zer pentsatzen dudun gai honi buruz».

■ Zer zuten esateko prostitutek?

Bideoak bi prostitutaren jarre-ra kontrajarriak azaltzen ditu. Batetik, prostituzioa utzi duen emakume baten mintzoa entzun dugu. Bera elkarte batean sartu da, eta horren laguntzaz gainon-tzeko prostitutei lanbide hori uz-ten lagundu nahi die. Bestetik, prostituzioan gustura dabilen emakume baten testigantza ikusi dugu. Bera lanbide horren duin-tasunaren alde borrokatzen ari da. Prostitutentzat zenbait esku-bide lortzen saiatzen ari da, eta bere helburua prostituzioa beste edozein lan bezalakoa izatea da.

■ Prostituzioan gustura dabilen emakumearen irudiak este-reotipo asko hausten ditu.

Maiz uste dugu prostitutek be-hartuta egiten dutela egiten du-ten lana, eta beste edozein lan egiteko desiratzen daudela. Haa-tik, badira euren lanarekin gus-tura dabiltzan prostitutak. Agian, ez daude pozik gaur egun paira-zen dituzten lan baldintzekin,



Ana Coranti prostituzioaz mintzatu zen UEUn asteazkenean.

ELENA ASTIGARRAGA

baina prostituzioa bera lan bezala nahi izan dutelako hautatu dute. Euren helburua duintasuna lor-tzea eta berez dagozkien eskubi-deak eskuratzea da.

■ Oker ez banago azken bolada honetan prostituten elkarteak indarra hartzen ari dira.

Italian eta Estatu Batuetan as-paldian sortu zituzten prostituta elkarteak. Hemen topaketa ba-tzuk izan dira, eta horiek anima-tuta elkarteak sortzen hasi dira. Batzuk prostituzioa desagerta-razteko lan egiten ari dira, baina best batzuk besterik gabe euren

eskubideen alde borrokatzen ari dira. Arazoa da normalean tele-bistan eta egunkarietan agertzen den informazioa eta irudia moral bikoitzak manipulaturik heltzen zaigula.

■ Prostitutekin ezezik, hiesaren inguruan ere lan egiten duzue zuek. Bi munduok elkarrekin aurkezten dira maiz.

Tamalez horrela da, bai. Gogo-ratu beharra dago azken datuen arabera prostituten % 12k bes-terik ez dutela birusa. Bestalde, ez dugu zama guztia haien bizka-rrean paratu behar. Bezeroek

izugarritzko ardura dute, ez baka-rrik emakumeek. Ez dira ema-kumeak zaindu behar direnak. Gizarte osoa zaindu behar da, eta bezeroak ere garrantzitsuak dira hor, Prostituzioari buruz hitz egi-ten den bakoitzean hiesa eta gai-xotasunak aipatzen dira, baina badira beste gauza batzuk. Hie-saren gaian arrisku taldeak ahan-tzi egin behar dira, eta arris-ku praktikei buruz hitz egin be-har da. Hasieran asko hitz egi-ten zen arrisku taldeez, baina egun praktikei egin behar zaie kasu. x

S o s l a i a

Ana Coranti psikologo gas-teiztarra da. Betidanik baz-tertutako emakumeekin egin du lan, sexu heziketan eta famili plangintzan. Duela hi-ru urte, beste bost emaku-

merekin batera (batzuk psikolo-goak, beste ba-tzuk soziolo-goak) Emaize taldea sortu zuen.

Hasieran Ema-ize taldearen hel-burua hiesaren aurka lan egitea zen. Baina bere-hala atzeman zuten hiesa ezin tutela gai isola-tua balitz bezala jorratu. Gauzak horrela, hiesa sexu heziketaren barruan lantzen hasi ziren.

Egun bi arlotan lan egiten dute. Lehenik eta be-hin, prostitute-kin; eta bestal-de, beste zenbait giza taldeekin (edadetu-ekin, gazteekin, ema-kumeekin...); hiesa eta sexua-ren bitartez trasmititzen di-ren gaixotasu-nak lantzen di-tuzte. Bestalde, sexu heziketa lantzen dute hainbat giza tal-deekin.

EZTABAIDA PIZTU

«Jendea pentsatzera, eztabaidatzera, prostituzioari buruz zer uste duen azaltzera bultzatu dugu»

P A N E
LUCRÁNDO

ZALDI ERDA



Jadanik aldatu da dena.
Ene maite, ez zenuke ezagutuko plaza.
Zure bizk nabil memoriaren etxean



Baina han ere huts bihurtzen gelak

